

سنة لکی در سعادت ایچون مجیدیہ
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات عدلیه

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیہ اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تجربین و تحویل

قره مرسل قضاسی بدایت محکمه سی مستطقلکنه
قوصوه ولایتی مرکز بدایت محکمه سی ضبط کتابتندن
مستغنی محمد رائف افندی تعیین قلمش ومومی الیهک
اصول مقررده وجهله امر تحایی اجرا ایدلمشدر .

تبلیغات

احراقه تصدی ایدن اشخاص حقنده جزا
تعیین ایدر بر ماده قانونیه اولمادیغندن بومثلولرک
قانون جزانک یوز سکسانجی ماده سنک علاوه سنه
توفیقاً و قیاساً تعیین مجازاتی لزومی سکسان سکر
تاریخی تذکره سامیه ایله تبلیغ بیوریلان شورای
دولت مضبطه سنده محرر اولدینی حالد احراقه دائر
بولنان قانون مذکورک یوز آلتش اوچنجی و یوز
آلتش دردنجی ماده لری مقامنه قائم اولوق اوزره
اخیراً مرعیت احکامنه اراده سنیه حضرت پادشاهی
شرفعلیق بیورلمش اولان مواد قانونیه دن یوز التمش
دردنجی ماده ده بالفعل احراقه جرأت ایدنلرک ویالکزر
داخل وخارج شهرده هر نوع بنالرک احراقه متصدی
اولوب فعله کتوره میانلرک صورت مجازاتی تصریح
قله رق خرمن واورمان وسائر یغین وکیه کی شیرک
احراقه تصدی ایدوبده فعله چقاره میانلر حقنده
جزایه دائر برشی ذکر اولنماش و مواد قانونیه
مذکوره دن صکره سالف الذکر شورای دولت
مضبطه سی حکم سز قالمش اولدیغندن بویله بر جرم
ایله مظنون اولان شخصک محکمه به سوقی حالنده
عدم مسئولیتی جهته کیدیله چکی درکار ایدسه درک
بونک وکرک امثالک تریب و تادیبی حریق وقوعی
منع وتقلیل ایله جکندن بمثل استفسار معاملیه بی متضمن
سیواس ولایتی استیناف محکمه سی مدعی عمومیلکندن
وقوع بولان اشعاره ، قانون جزانک یوز التمش اوچنجی
ویوز التمش دردنجی ماده لری مقامنه قائم اولوق
اوزره اخیراً نشر واعلان بیوریلان مواد قانونیه ،

قتله تصدی فعلنه قیاساً احراقه تصدی ایدنلرک تعیین
مجازات لزومی اراده ایلیان سالف الذکر شورای دولت
مضبطه سنک احکامی تأییداً احراقه تصدی فعلنک
داخل وخارج شهرده کی بنالره تعلق ایتسی اعتباریله
منوعیتی ابنیه به تخصیص صورتنده بر حکم قیاسی
قانونی بی متضمن اوله رق شی آخر ایچون مقیس
علیه اتخاذ اولنه میوب مع هذا برکیمه به عزرو واسناد
اولنان فعلک قانوناً مستلزم مجازات اولوب اولدیغنک
واولدینی حالده قننی ماده قانونیه موجبنجه ترتیب
جزاسی لازم کله جکنک تعیینی رؤیت محاکمه به مأمور
اولان هیئت حاکمه نک تقدیرینه عائد مسألدن اولدینی
وعلی الاصول محکمه به سوق ایدیلان مظنون حقنده
لاحق اوله جق حکم وقرارد قاعت حاصل اولدینی
تقدیرده طریق قانونیه مراجعتله اصلاحی اسبابه
توسل ایدلمسی لازم کله چکی جوابی انجمن عدلیه
افاده سیله مذکور مدعی عمومیلکه تبلیغ اولنمشدر .

محاکمات و مقررات

طرفینک تصرف ادعاسنده بولندقلری
محل حقنده اول امرده حقوق محکمه سنجه
تدقیقات اجرا و محکمه مذکوره جه ایشک
جهت جزائییه به تعلق کورلدیکی حالده اولوقت
تعقیبات قانونیه اجرایی لازم کله کلور ایکن
برمنوال محرر معامله اولناماسی نقض حکمی
مستلزم بولندیغنه دائر محکمه تمیز استدعا
دائره سندن اعطا قلنان ۳۰ حزیران سنه ۳۱۷
تاریخی اعلامک صورتیدر :

انقره ولایتی هیئت اتهامیه سندن تنظیم واعطا
اولنان ۱۳ کانون اول ۳۱۵ تاریخی مضبطه نک
تمیزی مستدعی علی اغا زاده حسن طرفندن ویریلن
۲۰ کانون اول ۳۱۵ تاریخی استدعانامه واوراق

متفرعه سی باش مدعی عمومیلک مأموریت بهیه سنک
۶ مارت ۳۱۶ تاریخی تبلیغنامه سی ایله برلشدریلرک
محکمه تمیز استدعادائرهنه تودیغ اولنمغه لدی التدقیق
مذکور استدعانامه مدت وشروط قانونیه سنه موافق
ومضبطه مذکوره دخی صلاحیته متعلق اولدیغندن
اوراق مرقومه دائره جه قرائت ومطالعه اولندی .
مذکور مضبطه نک مالی ایشلی فضل افندینک
آغیانی هدم ایتک فعلندن طولای مظنون علیهم اولان
مرقوم حسن ایله رفقاسی حقارنده اجرا ایدیله جک
تحقیقات استنطاقیه نک وظیفه وصلاحت داخلنده
اولدیغنه دائر مستطق طرفندن ویریلن قرار نامه نک
موافق قانون کوریلرک تصدیقه قرار ویرلدیکندن
ومذکور استدعا نامه ده مندرج اعتراضانک خلاصه سی
دخی هدم ایدلدیکی ادعا اولنان آغیلک کندی ترلاسی
درونده مالی اولدینی ودعوانک اولا حقوق محکمه سنه
عائد بولندیغنی حالده هیئت اتهامیه جه بوجه مشروح
قرار اعطاسی مخالف قانون اولدیغندن وسائرده دن
بمثله مذکور مضبطه نک تقضی طلبندن وتبلیغنامه نک
مفادی دخی اعتراضات مسروده بجا کورلدیکندن
مضبطه مذکوره نک نقضی لازم کله چکی بیاندن
عبارتدر .

ایجابی لدی المذاکره منازع فیه اولان محله
طرفینک تصرف ادعاسنده بولندقلری اکلشلمسنه
نظراً خصوص مذکورک اول امرده محکمه حقوقیه جه
بالتدقیق حقوق عمومیه به تعلق کورلدیکی حالده اولوقت
تعقیبات قانونیه اجرایی لازم کله چکنه ولایحه اعتراض
ضیه ده بوجهته دائر درمیان اولنان اعتراضات ذکر
اولنان تبلیغنامه ده دخی محرر اولدینی اوزره بجا
وموافق قانون کورلدیکنه منی اصول محاکمات
جزائییه قانوننک اوچیوز اون دردنجی و اوچیوز
اون طقوزنجی ماده لری احکامنه توفیقاً بر موجب
تبلیغنامه ذکر اولنان مضبطه اتهامیه نک نقضه وشرائط
تمیزی به جمله سندن اولوب عدلیه وزنه سنه مودوع اولان
بش عدد لیران تمیز اعلامی خرجی اولوق اوزره
ایکی یوزغروشنک بالتوقیف اوست طرفنک مستدعی به

رد واعاده سنه ۳۰ حزيران ۳۱۷ تاريخنده متفقاً قرار ويرلدی .

-----+XG+-----

كيلان قضااسنك ژكره قريهسى اهاليسنندن اسماعيل بن يعقوبك قتل مادمهسنندن طولايي جنايتله متهم قريه مذكورهلى اسماعيل بن رستمك اون سنه مدته كوركه قولنسنه دائر پرشته سنجايى بدایت محكمهسى جزا دائرهسنندن وريبلان ۲۱ نومرولى اعلامك ۲۵ تشرين اول سنه ۳۱۶ تصديقه

كورى قضاسنه تابع قوجاش قريهلى مختار واسيل اوغلى ديمتك معامله جبر وشدت اجراسيله ايقه وجووانتى اخذ وغصب ايلاردن طولايي جنايتله اتهام اولنان حوضه قضااسنك طحه قريهسنندن پلاطجى اوغلى پاوى واكساندر اوغلى اپوستول ايله برادرى قسطنطين نام ديكر باروقهك اوچر سنه مدته كوركه قولنلرينه دائر اماسيه سنجايى بدایت محكمهسى جزا دائره سنندن وريبلان ۴۴ نومرولى اعلامك ۲۶ نيسان ۳۱۷ تاريخنده تصديقه

تيورحصارقضاسنه تابع پوردبالا قريهسى اهاليسنندن جانباز يانى ولد ديمتريتك بموق دكرمانى انيهسى احراق ايتلردن طولايي جنايتله اتهام اولنان قريه مذكوره دن بقال ميظه ولد استويقو ولونه ولد يوركي وميظه ايله برادرى واقفونك اوچر سنه مدته كوركه قولنلرينه دائر سيروز سنجايى بدایت محكمهسى جزا دائره سنندن وريبلان ۲۱۹ نومرولى اعلامك ۲۱ اغستوس سنه ۳۱۷ تاريخنده تصديقه

كوكلى قضااسنك قرهسان قريهسى اهاليسنندن تاتار على بن اسماعيلك كيفيت قتلدن طولايي جنايتله اتهام اولنان قريه مذكورهلى احمد بن بودور احمد ايله برادرى مرتضالك اون بشر سنه مدته كوركه قولنلرينه دائر سالنيك ولايتى استيناف محكمهسى جزا دائره سنندن وريبلان ۴۳۲ نومرولى اعلامك ۲۱ تشرين اول سنه ۳۱۶ تاريخنده تصديقه

ات ميداننده بروسهلى مهتدى نوري بن قتل ايلديكى ادعا قلمسنندن طولايي جنايتله متهم بولنان محل مذكوره ساكن بروسهلى على عثمان بن محمدك اون بش سنه مدته كوركه قولنلى حقدنه درسعادت جنايت محكمهسنندن اعطا قلنان ۶۶ نومرولى اعلامك ۱۲ تموز ۳۱۷ تاريخنده تصديقه

برات سنجاشنك قارش قريهسى اهاليسنندن عابدين بن عزيزك قتل قصديه كيفيت جرحندن طولايي جنايتله اتهام اولنان عابدين بن خيراللهك اوچر سنه مدته كوركه قولنسنه دائر لواء مذكور بدایت محكمهسى جزا دائره سنندن وريبلان ۶۳ نومرولى اعلامك ۲۴ شباط ۳۱۶ تاريخنده تصديقه

كوكلى قضااسنك اوشان قريهسنندن تيورجى ميچو ولد يانينك قزى زراي قتل ايلديكى ادعا قلمسنندن طولايي جنايتله اتهام اولنان قريه مذكوره اهاليسنندن مزبورهك نشانلىسى طاشو ولد يانينك اون بش سنه مدته كوركه قولنسنه دائر سالنيك استيناف محكمهسى جزا دائرهسنندن وريبلان ۱۹۴ نومرولى اعلامك ۱۴ حزيران سنه ۳۱۷ تاريخنده تصديقه

ايليان ناحيه سنه تابع قرطو قريهلى تيور بن سليمانى جرح ايدرك تعطيل عضونه سببت ويردىكى ادعا قلمسنندن طولايي جنايتله اتهام اولنان قريه مرقومه اهاليسنندن رشيد اوغلى عثمانك اوچر سنه مدته كوركه قولنسنه دائر معدن سنجايى بدایت محكمهسى جزا دائره سنندن وريبلان ۲۸۹ نومرولى اعلامك ۲۶ حزيران سنه ۳۱۷ تاريخنده تصديقه

جيسر شغور قضاسنه تابع قسلاق قريهسنندن محمد بن حاجى محمدك اثناسى راهده معلوم المقدار نفود واشياسيله مركبى اخذوغصب ايتدكلى ادعا قلمسنندن طولايي جنايتله اتهام اولنان ستره جيق قريهلى حسين بن مصطفى ومصطفى بن عثمانك اوچر سنه مدته كوركه قولنلرينه دائر حلب استيناف محكمهسى جزا دائره سنندن وريبلان ۵۰۶ نومرولى اعلامك ۲۴ مارت سنه ۳۱۷ تاريخنده تصديقه

زوجهسى امينى قتل قصديه جرح ايلك جرمندن طولايي جنايتله اتهام اولنان اسحق پاشا محله سنده مقيم اورقهلى مناو مصطفىانك درت سنه مدته كوركه قولنسنه دائر درسعادت جنايت محكمهسنندن اعطا قلنان ۱۷۸ نومرولى اعلامك ۱۹ حزيران سنه ۳۱۷ تاريخنده تصديقه .

زنجى صالحى ضرب ايدرك وفاته سببت ويردىكى ادعا قلمسنندن طولايي جنايتله اتهام اولنان محمد بن شريفك يدى سنه مدته كوركه قولنسنه دائر مدلى سنجايى بدایت محكمهسى جزا دائره سنندن وريبلان ۲۲۱ نومرولى اعلامك ۲۰ شباط سنه ۳۱۶ تاريخنده تصديقه محكمه تميز جزا دائره سنجه قرار ويرلمشدر .

اوچيوز اون يدى سنهسى جز برانسنك اوتوز برنجى كچهسى ساعت درت راده لرنده داود پاشا محله سنده چاوش حامى چيقماز زقاغنده محمدى جرح و قتل ايلديكى ادعاسيله متهم بولنان قيوچى عرب احمد حقدنه اجرا قلنان محاكمه نتيجهنده مرقومك بالمازعه محمدى بجاقله جرح و قتل ايلديكى شاهدلرك واقع اولان شهادتى ومتهم مرقومك منازعه بن مقرر بولنسى ومقتولك قبل الوفاك جارحى قيوچى عرب احمد اولديغى افاده ايتيمى وطيب راپوزى وضابطه عدليه تقريرى مندرجاتى دلالتى وامارات سائرلك انضماميله

ثابت اولديغندن اولوجهله مجرميته جزا قانوننامه هايونيك يوز تيش دردنجي ماده سنك فقره اولاسى حكمنه توفيقاً اون بش سنه مدته كوركه قولنسنه ۲۴ تشرين اول سنه ۳۱۷ تاريخنده محكمه جنايتجه حكم اولنمشدر .

-----+XG+-----

قلفانجى على اوستهك صلاپوريه سنندن ليلا خلط وزنجير سرقه ايتدكلى ادعاسيله مظلون علميا اولان باركيوريجيسى كنغربلى حسين بن على ايله اقمر ايده باركيوريجيلر ايچنده كوشه باشنده كى قهوه خانه ده قهوه جيلاك ايدن ملاطيهلى عمر بن مصطفىانك آلتيشر ماه حبسليرنه دائر درسعادت بدایت محكمهسى برنجى جزا دائره سنندن وريبلان اعلامك عمر بن مصطفى حقدنه كى قسمنك تصديقه

بالق بازارنده مقصوديه خاننده آلتى نومرولى مغازه ده تجارته اشتغال ايدن يوانا كى بنى ضرب ايتديكى ادعاسيله مظلون عليه اولان طودورا كى حقدنه كى حكمك فسخيله مضروب يوانا كى ويرلك اوزره مرقومدن ايكي آلتون اخذينه استيناف جنايه محكمه سنجه قرار ويرلمشدر .

-----+XG+-----

يونان دولتى تبعه سنندن قونديره جى آستى بنى ضرب ايتدكلى ادعا اولنان مرجانده قهوه جيلاك ايدن ايرانى حاجى طاهر و برادرى رحيمك اوزر كون حبسليرنه

كتبه دن عبدالقادر افندي به اطاله لسان ايلديكى شكايات اولنان مجله نيسايدن بر آلتون جزاى نقدى اخذينه

سلطان بايزيده بقال واسيلك چراغى آندريانى ضرب ايدن لوقاطه جى احمد بن مصطفىانك ايكي آلتون آلهرق مضروبه اعطاسه

حال ميشوى ضرب ايلديكى ادعا اولنان جمال بالچلى يعقوب بن محمدن بر آلتون آلهرق ميشونه اعطاسه

اقمر ايده ساكن احمد بن احمدى ضرب ايلديكى ادعا قلنان نعاينجى مصطفىانك بر آلتون آلهرق مضروبه اعطا ايلسنه

تقسيمده خواجه زاده زقاغنده ساكن پترو ولد ديمتريتك كتبى ارماند ولد فرانسوا بنى ضرب ايلديكى تحقيق ايتديكنندن بر هفته حبسنه

جاماقيلارده سنبالى خاذه ساكن مزادجى ايرانى قاسم بن ابراهيمك حال شيرولى محمدى ضرب ايتديكى ثابت اولديغندن بر هفته مدته حبسنه

كتبه دن مصطفى افندى ايله آت بازارنده قره مانلى نيقوليك دكاننده تيورجى قافلهسى حسن بن عثمان

يوز اوتوز بش نومرولى دكانده تحفيجى استاوردى ولد ميخالدين بر عدد مجيدى آلتونى آلهرق كركوره اعطاسه

سرقه مادمهسنندن طولايي مظلوناً موقوف بولنان كوچك بازارنده محمد پاشا يقوشنك جامع شريف زقاغنده اون درت نومرولى خانه ده ساكن بالقجى حلمى بن عزيزك اوج آى حبسنه و ختام مدت جزايه سنده ضابطه جبه كفالت آلتنه آلتنه

بلا رخصت اجنبى پياقوييلتيرنجى فروخت ايلديكى ادعاسيله مظلون عليه اولوب استانبولده بالق بازارنده يوز اوتوز اوج نومرولى دكانده صرافلى ايدن ياقو ولد آورامدن بروس نظامنامه سنك ايكنجى واون ايكنجى مادمه سنه توفيقاً بر آلتون جزاى نقدى اخذينه

باغچه قيوسنده صراف نيقولى بنى ضرب ايدن على رضا بكدن ايكي عدد مجيدى آلتونى آلهرق نيقولى به اعطاسه

كتبه دن على نجيب افنديك اوراق وسنداتى سرقه ايتديكى ادعاسيله مظلون عليه اولان باركيوريجيسى فائق بن عبدنيك اوچاه حبسنه

ملا عشقى محله سنده كليسا زقاغنده مقيم ايليا ولد بوده ايله شريكي باروچك مغازه سنندن شيشه سرقه ايلديكى تحقيق ايدن طباقجى خايم ولد آورامك اوج آى حبسنه

خفافخانه ده على اوستهك ياننده مستجى خليل نام ديكر على بن حسن چاوشى ضرب ايدن وائلى عمرك اون كون حبسنه

آخور قيو جوارنده ساكن ديكه خانه عملهنندن درويشك كلبه سنندن سرقه تصدى ايلديكى ادعاسيله مظلون عليه اولان قاسم پاشاده تحته كو بریده اون ايكي نومرولى خانه ده ساكن فهمى بن اسماعيلك اوج ماه حبسنه و ختام مدته ضابطه جبه كفالته ربطنه

قاسم پاشاده مقيم قونديره جى محمد بن حسينى ضرب ايتمش اولان يعقوبدن ايكي آلتون جزاى نقدى آلهرق مضروبه و برلسنه

افرو ديتنيك وعد ازدواج ايله بكر بنى ازاله ايلديكى ادعاسيله مظلون عليه اولان پاپاس كو بريلسنه ساكن يوركي ولد يوركنيك ايكي آى حبسنه

بك اوغلنده بيرام زقاغنده درت نومرولى خانه ده ساكن نوروز بن رستمك قومرس غازينوسى لامبه لر بنى شكست ايدرك ايراث خسار ايلديكى ثابت اولديغندن اوج كون حبسنه

قيل بروننده كوچك شيشخانه زقاغنده ساقرلى مارشبنى ضرب ايتديكى ادعاسيله مظلون عليه اولان آستنيك اون بش كون حبسنه

ووفاده يحيى كوزل محله سنده بر نومرولو خانه ده ساكن قونديره جى بالچلى احمدك قيان دقيق جوارنده قسلى ميخانه ده چراق ساققرلى ميخالى ضرب ايلدكلى صورت افاده لرى و شهادات ومعاينه راپوريه ثابت اولديغندن بر هفته حبسليرنه

خالد بكك خانه سنندن مجوهرات سرقه ايلديكى ادعاسيله مظلون عليها اولان مير موسى اليهك خدمتجيسى موصالى فاطمهك فعل سرقه اجتسارى اقراريله ثابت اولديغندن آلتى ماه مدته حبسنه

قنارده عبدى صوباشى محله سنده قصاب استاورنيك جكمه سنندن آچمى سنى سرقه ايلديكى ادعاسيله مظلون عليه اولان مرقومك چراغى واسيل ولد وانكلك آلتى ماه حبسنه

سليماننده دوه اوغلى يقوشنده ساكن يانى بنى ضرب ايلدكلى ادعا اولنان دو كچه جى آستانه لى يغور ولد سيمون ايله زوجهسى اولوميسادن برر آلتون آلهرق يانى به اعطاسه

اجراى وظيفه حالنده طوب قيو مركزنده مستخدم پوليس حسين عادل وسلستره لى ابراهيم افنديلره تشهر سلاح ايتديكى ادعاسيله مظلون عليه اولان باب ضبطيه ده مستخدم ژاندارمه اوچنجى طاد يورنيك ايكنجى بلكونك دردنجى خيمهسى افرادندن طاش كو برلى محمد بن حسنك آلتى آى حبسنه

تجار ياننده واشاقلى ايدن يوركي ولد واسيلى ضرب ايدن قوم قيوده مقيم مشمعجى ديكر يوركي ولد نيقولى ايله زوجهسى آماليادان ايكي ليرا آلهرق مضروب يوركي به اعطاسه

ضرب وتشهر سلاح مادمه لرندن طولايي مظلون عليه اولان قوجه مصطفى پاشاده بوغاجه جى فرونى قارشوسنده كى دكانده منساو نورنيك چراغى قدرك يكرى ومناو حسنك سكر كون حبسليرنه

وزيرخانه ده مقيم خريستو وليوانك بالديسپانيه جى قيصره لى خريستو ولد انسطاشه اطاله لسان ايتديكى ثابت اولديغندن ايكي كون حبسنه

يكى جامع شريف جوارنده خاسكى حمامنه متصل دكانده سودجى اناسطاشك چراغى مناسترلى يوركي ولد قسطنطينى ضرب ايتديكى ادعاسيله مظلون عليه اولان ديون عموميه قواصلرندن يانيه لى قاسم بن يعقوبك بر هفته حبسنه

قيزطاشنده ساكن عاصم بكى ضرب ايتديكى ادعاسيله مظلون عليه اولان كته بن صبرى افنديك اون كون حبسنه

چارسوى كپرده يوز قرق بر نومرولى مانيفا طوره جى دكاننده چراقلى ايدن كركورى ضرب ايتديكى ادعاسيله مظلون عليه اولان چارسوى مذكوره

مجارده آرنبود زقاغنده ساكنه هايقاوش بنت اوسى ضرب ايدن ميخانه جى پريكلى ولد آفناشك اون كون حبسنه درسعادت بك اوغلى واسكدار بدایت محكمهسى جزا دائره لر بنجه حكم اولنمشدر

اعلانات

محكمه جنابت رياستنده

بيك اوچيوز اون يدى سنهسى اغستوسنك يكرى ينجى صالحى كوفى يدى قله خارچنده قازلى چشمه ده تيورخانه جاده سنده كاڻ خانه لرنده والدىسى الهى بنى بجاقله جرح و قتل ايتديكى ادعاسيله متهم اولوب قرار ايدن تبعه دولت عليه دن اوزون بويلى اورته وجودلى قيورجق صالحى ايجه بيقلى قره كوزلى متاسب آغز وبرونلى اسمر اللون اوتوز ياشنده مدليلى دباغ نيقولى ولد خرستوقلى آلان در دست اولنه ماش اولديغندن تاريخ اعلانندن اعتباراً جانب رياستن كندوسنه اون كون مهمل اعطاقلمشدر . مهمل معين ظرفنده كلديكى حالده قانونه اطاعت ايتماش نظريله باقيله رق حقوق مدنيدن اسقاط قلنه جنى وعليهنده دعوايه قيام اولنه جنى ومحاكمه غيايهىسى ائنده اموالى جز ايلديجى وبوصره ده مرقومك بركونه ادعايه حق اوله ميه جنى وبولندينى محلى بينلارك خبر ورمكه وبالمله ضابطه عدليه مأمور لرنيك كندوسنى طوقغه مجبور بولندقزلى امرى اعطا ومرقومك املاكى جز اولنق اوزره مدعى عموميلكه تبليغات مقتضيه اجرا ايلديكى جهته اصول محاكمات جزايه قانوننك اوچيوز تيش برنجى واوچيوز تيش ايكنجى مادمه لرنندن استنباط اولنان احكامه توفيقاً اشبو قرار نامه اعلان اولنور .

فى ۲۵ تشرين اول ۳۱۷

-----+XG+-----

درسعادت استيناف محكمهسى مدعى عموميلكندنه

ازمه ومحال مختلفه ده سرقه فعلليرنه اجتسار ايلدكلى ادعاسيله مظلون عليه اولوب فرارده بولنان واشكال مخصوصه لرى غير مضبوط اولان غلطه ده قره كوى قيوسنده ترامواى جاده سنده پدريه فس قاليجيلى ايدن ياقو ونسيم ولد داويد وخاصكوى ساكنلرندن اولدينى خبر وريبلان بچاوردجى منام ولد آورامك ديكر مظلونلره برلكده جنابت محكمه سنده محاكمه لرى اجرا قلنق اوزره قانون جزاك ايكي يوز يكر منجى مادمهسى موجبجه جنايتله اتهامليرنه قرار ويرليكنندن متهمون مرقومونك هر زره ده كوريلورسه طوبيلوب محكمه مذكوره

توقیفخانه سنه تسلیم لری لازم کله جکی بالجه ضابطه عدلیه مأمورلرینک معلومی اولمق اوزره اشبو اخذ و گرفت مذکره سی در سعادت هیئت اتهامیه سندن بالتظیم اعطا قلندی .

فی ۴ تشرین اول سنه ۳۱۷

عبد الحلیم و محمد و حسن اغارک بارکیلرینی معامله جبر و شدت اجراسیله سرقت ایتدکاری ادعاسیله مظنون علیه اولانلردن بولنان قاسم پاشاده قره مان محله سنده ارنیود محمد اغا زقاغنده برادری علینک خانه سنده ساکن اورتی بویلی سیاه صاج و قاشلی الاکوزلی ضعیف البنیه تبعه دولت علیه دن یکر می اوچ یاشنده قنبر بن کور احمد و ساقز اغاجنده قره مان محله سنده بوسنان خاتمک خانه سنده مستأجراً مقیم اورتی بویلی سیاه صاج و قاشلی الاکوزلی بیوک برون واغزلی و مطروش تبعه دولت علیه دن یکر می بش یاشنده احمد بن محمد علینک جنایت محکمه سنده محاکمه لری اجرا قلنمق اوزره قانون جزانک ایکیوز یکر می برنجی ماده سی موجبجه جنایتله اتهاملرینه قرار ویرلدیکندن متهمان مرقومانک هر زره ده کوریلورسه طوتیلوب محکمه مذکوره توقیفخانه سنه تسلیم لری لازم کله جکی بالجه ضابطه عدلیه مأمورلرینک معلومی اولمق اوزره اشبو اخذ و گرفت مذکره سی در سعادت هیئت اتهامیه سندن بالتظیم اعطا قلندی .

فی ۲۰ تشرین اول سنه ۳۱۷

اعلامات شرعیه اجرا دأره سنده :

متوفی السید ابراهیم لامی افندی ورته سنک حافظه ثانیه و امینه فریده خاتمر ذمتبده قسمت عسکریه محکمه سندن ویرلمش اولان بر قطعه مقتضا اعلامی موجبجه آله جقلری اولان مبالغ معلومه نک تأمین استیفاسی ضمنتده مرهون و فروختی محکوم بولنان استانبولده سراجخانه باشی قربنده دولکر زاده محله سنده دوه خانی قارشوسنده کائن اوتوز بش نومرو ایله مرقم مقدما نعلبند والیوم بر باب اتمکچی فرونی درونسده موجود وقف نعلبند کدینک اشبو تاریخ اعلاندن اعتباراً اون بش کون صکره فروخته تشبث اولنه جغندن طالب اولانلرک پی سورمک و بوندن زیاده معلومات آلمق ایستیانلرک مدت مذکوره ختامندن صکره اعلامات شرعیه اجرا دأره سنه مراجعت ایملری دأره مذکوره دن اعلان اولنور .

فی ۲۲ تشرین اول سنه ۳۱۷

تجارت بحریه محکمه سنده :

خاص کویده خالیجی اوغلنده ازمنی کلیسای زقاغنده واقع خانه سنده مقیم مانیفاطوره بازار جیسی

قروق قنجانجیانک ۲۴ تشرین اول ۳۱۷ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنتده اعضای محکمه دن سعادتو جلال الدین بک ژور قومیسر و داینلردن لازیان زاقاریان افدینک موقت سندیک تعیینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و کفالت اراؤه ایده مدیکی تقدیرده حبس و توقیفنه و بوبابده کی قرارک موقتاً اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره اشبو تشرین ثانیکن سکننجی پنجشنبه کونی ساعت یدی راده لرنده اصحاب مطلوبک محکمه مذکوره نک افلاسنه مخصوص اولان اوطه سنه کلری لزومی اعلان اولنور .

فی ۲۴ تشرین اول سنه ۳۱۷

بالیکسره مانیفاطوره چارشوسنده بلا نومرو دکانده اجرای تجارت ایدن مغردیچ و قره بت پاپاسیانک ۲۴ تشرین اول ۳۱۷ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنتده اعضا ملازمی عزتولایوب صبری بک ژور قومیسر و میساق طروسیان افدینک موقت سندیک تعیینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و بوبابده کی قرارک موقتاً اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره کله جک تشرین ثانیکن اون بشنجی پنجشنبه کونی ساعت الی راده لرنده اصحاب مطلوبک محکمه مذکوره نک افلاسنه مخصوص اولان اوطه سنه کلری لزومی اعلان اولنور .

فی ۲۴ تشرین اول ۳۱۷

لغده مقیم مسکرات فابریقه سنده مستخدم مفلس استراطی زاخاریادینک تحقیق دیون معاملاتنه ابتدار اولنه جغندن مرقوم ذمتبده آلاجنی اولانلرک اوراق مثبته لری حامل اولدقلری حالد کله جک تشرین ثانیکن بشنجی بازار ایرتسی والتجی صالی ویدننجی چهارشنبه کونلری ساعت التیدن طقوزه قدر تجارت بحریه محکمه سنک مصالح افلاسیه اوطه سنه یا بالذات ویا بالوکاله مراجعت ایدرک آلاجلرینی تحقیق دیون دفتربنه قید ایتدیرملری لازم کله جکی وایام مذکوره ظرفده مراجعت ایتمیانلر حقنده تجارت قانوننک ۲۱۰ نجی ماده سی احکامنک موقع اجرایه قونیه جنی اعلان اولنور .

فی ۲۷ تشرین اول ۳۱۷

افلاس مأموری
جلال الدین

چارشوی کیرده آینه جیلر قوسی اتصالنده کی محله اجرای تجارت ایدن میساق پشماقچیانک ۲۷ تشرین اول سنه ۳۱۷ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنتده اعضای محکمه دن عزتولو مارقار افدینک ژور قومیسر و دعوی وکیللردن میساق طروسیان افدینک موقت سندیک تعیینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و کفالت اراؤه ایده من ایسه حبس و توقیفنه و بوبابده کی قرارک موقتاً اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره ۳۱۷ سنه سی تشرین ثانیکن ۱۲ نجی بازار ایرتسی کونی ساعت الی راده لرنده اصحاب مطلوبک محکمه مذکوره نک افلاسنه مخصوص اولان اوطه سنه کلری لزومی اعلان اولنور .

فی ۲۹ تشرین اول سنه ۳۱۷

ایکنجی محکمه تجارتیه :

در علیه بالطه جی خاننده شیشه و تحفه تجارتیه مشغول بولنان ریزه لی حاجی بلال زاده محمد صادق افدینک ۲۷ تشرین اول ۳۱۷ تاریخندن اعتباراً افلاسنه و معاملات افلاسیه نک ایفاسی ضمنتده اعضای محکمه دن سعادتو رضا بک افدینک ژور قومیسر و دعوی وکیللردن محمد بهرام افدینک موقت سندیک تعییننه و مفلسک تجارتکاهنک تمهیریه کندی و فاملیاسنه الزم قسمک تفریقندن صکره متباقی اشیای بیتیه سنک ثبت دفتر ایدیلرک محافظه سنه واشبو قرارک موقتاً اجراسنه در سعادت ایکنجی تجارت محکمه سندن قرار ویرلدیکی جهته قانوننامه تجارتک ۱۷۰ نجی ماده سی موجبجه مفلس مرقوم ذمتبده آله جنی اولانلرک موقت سندیکلرک اصله تحویلی و یا خود یکیدن سندیک انتخاب و تعیینی حقنده مومی الیه ژور قومیسر بک ایله استشاره اولمق اوزره اشبو ۱۳۱۷ سنه سی تشرین ثانیکن ۱۲ نجی بازار ایرتسی کونی ساعت یدیده ایکنجی تجارت محکمه سنک افلاس اوطه سنه کلری اعلان اولنور .

فی ۲۷ تشرین اول ۳۱۷